



Inatsisartunut ilaasortaq Hans Enoksen, Siumut
Inatsisartut
/Maani

18. oktober 2012
Sagsnr. 2012-074672
Dok. Nr. 1032314

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Ilulissani qimussimik aalisartartut immikkut pisassinneqarnissaat pillugu § 37-ikkut apeqqummut 2012-223-mut akissut.

Inatsisartut suleriaasianni § 37, imm. 1 naapertorlugu Ilulissani qimussimik aalisartartut immikkut qaleralinnik pisassinneqarnissaannut tunngasumik apeqqummik saqqummiussisimavutit. Apeqqutigisat uannut akisassanngorlugu inner-sunneqarsimavoq.

Apeqqut:

- *Ilulissat kangerluata kangiani ukiuunerani qimussimik aalisartartut immikkut pisassinneqarnissaat pinngitsoorneqarsinnaanngimmat Naalakkersuisut qimussimik Ilulissat kangiani aalisartartunut pisassiiniarpaat?*

Akissut:

- Aqutsiveqarfinni pingasuni taakkunani umiatsiaaqqanut, tassa angallatinut 6 meteri ataallugu angissusilinnut, pisassiissutit, aamma ukioq manna, suli ukioq naanngitsoq pisarineqareerput. Naluneqanngitsutut Naalakkersuisut ulloq 30. august 2012-imi aalajangiipput, aqutsiveqarfinni pingasuni taakkunani angallatinut 6 meteri ataallugu angissusilinnut pisassiissutit qaffanneqassasut. Pisassiissutinik qaffaaneq 24. septembarimiit atuutilerpoq, septembarimi 100 tonsit, oktobarimi 100 tonsit, novembarimi 50 tonsit aamma decembarimi 50 tonsit. Tama nna Nunatta Pinngortitaleriffianut tusarniaanerup kingorna Qaasuitsup Kommunia aamma KNAPK qanimut suleqatigalugit aalajangiunneqarpoq, ukiup qaammataani kingullerni aalisarnerup unitsinneqarnissaa pinngitsoortinniarlugu.

Qimusserlutik qaleralinnik aalisartartut ukiuni kingullerni tunisarisar-tagaannut kisitsisit takutippaat, qaammammut 90 tonsit missaanni tunisisoqartartoq, aammalu kangerlummi sikukkut aalisarneq

nalinginnaasumik aatsaat 1. novembarimi aallartinneqartartoq. Sila apeqqutaatillugu, naatsorsuutigineqarpoq ukiup taamaasinerani umiatsiaararsorneq annertunerusumik ingerlanneqarsinnaanngitsaq. Novembarimut aamma decembarimut pisassiissutinik qaffaanermi qularnaarniarneqarpoq decembarip qaammataani aalisarnissamut periarfissaqarnissaq. Naalakkersuisut aallaqqaataanit siunnersuutigigaluarpaat novembarimi 100 tonsinik aamma decembarimi 100 tonsinik pisassiisoqassasoq, kisianni Qaasuitsup Kommuniata aamma KNAPK-p ulloq 20. september inassuteqarnerisa kingorna aalajangiipput, pisassiissutinik qaffaassuteqarneq septembarimut siuartinneqassasoq taamaasillunilu novembarimut aamma decembarimut pisassiissutinik qaffaaneq 50 tonsinut appar-tinneqarpoq. Aalisartut kaammattuinnarsinnaavakka aalisarnertik naleqqussassagaat, taamaasilluni ukioq naallugu aalisartoqarsinnaas-sammatt. Qaleralinnik piujuaannartitsinissaq eqqarsaatigalugu umiatsiaararsortunut pisassiissutinik qaffaasoqaaqqissanngilaq.

Angallatinut 6 meteri sinnerlugu angissusilinnut pisassiissutit suli tamakkerneqarnikuunngillat, aamma Sinerissap qanittuani qaleralinni-arneq pillugu Namminersorlutik Oqartussat nalunaarutaat nr. 2, 2. fe-bruar 2012-meersoq naapertorlugu pisassiissutit taakku qimusseq atorlugu aalisarneqarlutik tuniniarneqarsinnaanerit ingerlanneqarsin-naavoq.

Naggataatigulli oqaatigissavara, sinerissap qanittuani qaleralinniarnep-ur iluani massakkorpiaq ajornartorsiuteqartoqarnera arajutsisiman-nginnakku. Taamaattumik tamannarpiaq pillugu suleqatigiissitamik pilersitsisoqarpoq, kingusinnerpaamik 2012-imi novembarip qiteq-qunnerani inassuteqartussaavoq, politikikkut aalajangiinerup iluani atugassarititaasut malillugit qanoq iliorluni siunissami pitsaanerpaa-mik qaleralinniarnep ingerlanneqassanersoq. Siunissaq ungasinneru-soq isigalugu aaqqiissuteqarnermut ilanngunneqassaaq pisassiinermi tunngavigisanik nalilersuineq, taamaasilluni ukioq naallugu pisassiis-sutinik qalluinerup assigiinnerusumik agguataarneqarnissaa qular-naarneqassaaq. Suleqatigiissitaq qaleralinniarnermut attuumassute-qartunit tamanit inuttaqartinneqarpoq, taakkununga ilaatigut ilaap-put, KNAPK, Qaasuitsup Kommunian, GA aamma SIK. Naatsorsuu-tigivara, suleqatigiissitaq kinguneqartussanik inassuteqarumaartooq, aamma taakku piffinni aalisartunut ukiup tullianiit iluaqutaaleru-maartut.

Inussiarnersumik inuulluaqqusillunga

Ane Hansen

Aalisarnermut, Piniarnermut Nunalerinermullu Naalakkersuisooq